

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ) 25
505

i

Autoelektra d.o.o Sarajevo, Patriotske lige 10, ID: 4200234140004, koga zastupa direktorica Dalila Sarajlić (u daljem tekstu: Dobavljač)

zaključili su:

UGOVOR O NABAVCI AKUMULATORA (LOT 1) I NABAVKA SIJALICA I DRUGOG POTROŠNOG MATERIJALA ZA VOZILA (LOT 2)

Član 1.

Predmet ovog Ugovora je nabavka akumulatora (LOT 1) i nabavka sijalica i drugog potrošnog materijala za vozila (LOT 2), za potrebe Uprave policije MUP-a Kantona Sarajevo. Nabavka je izvršena putem otvorenog postupka, na osnovu Odluke broj 02-14-4-2655/19 od 15.05.2019. godine.

Ugovor se zaključuje u skladu sa uslovima iz tenderske dokumentacije, ponudom Dobavljača, odredbama Okvirnog sporazuma broj 02-14-4-2655-8/19 od 07.08.2019. godine i stvarnim potrebama Ugovornog organa.

Ponuda broj 6014-01-VI/19 sastavni je dio ovog Ugovora.

Član 2.

Roba iz člana 1. ovog Ugovora će se isporučivati sukcesivno, prema narudžbama Ugovornog organa, u zavisnosti od potreba Uprave policije u iznosu za:

- LOT 1 – Akumulatori do 10.000,00 (desethiljada i 00/100) KM bez PDV-a
- LOT 2 – Sijalice i drugi potrošni materijal za vozila do 10.000,00 (desethiljada i 00/100) KM bez PDV-a

Ukupna cijena ovog Ugovora za predmetnu nabavku iznosi do 20.000,00 (dvadesethiljada i 00/100) KM bez PDV-a.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog Ugovora vršiti isporuke predmetnih roba, za potrebe Uprave policije Ministarstva unutrašnjih poslova Kantona Sarajevo.

Član 3.

Dobavljač se obavezuje da ugovorenu isporuku izvrši u roku od 5 (pet) dana od dana dostavljanja narudžbenice.

Sve troškove isporuke do primopredaje, kao i troškove reklamacije snosi Dobavljač.

Roba će se isporučiti na adresu Ugovornog organa, Auto servis, Zmaja od Bosne 9, 71000 Sarajevo.

U slučaju osnovanih primjedbi na ispunjenje ugovorenih obaveza Dobavljača, Dobavljač je dužan da o svom trošku učini sve da te nedostatke otkloni u što kraćem roku.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu

od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 5.

Dobavljač se obavezuje da će isporuke vršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta isporučene robe.

Ugovorni organ je dužan dostaviti pismeno obavještenje o svakom propustu Dobavljača. Ugovorni organ će utvrditi razuman rok za ispravak propusta Dobavljača u smislu izvršene isporuke.

Član 6.

Plaćanje za isporučenu robu će se vršiti u roku od 30 (trideset) dana od dana izvršene isporuke i dostavljanja pojedinačne fakture, na tekući račun Dobavljača.

Član 7.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponudena roba nije u skladu sa datom ponudom iz člana 1. ovog Ugovora, Ugovorni organ može jednostrano, bez saglasnosti Dobavljača, raskinuti ovaj Ugovor.

Član 8.

Ugovorni organ zadržava pravo raskida Ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 9.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 10.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti odgovarajuće dokaze.

Član 11.

Dobavljač pruža Ugovornom organu garanciju za isporučenu robu za LOT 1 – sukcesivna nabavka akumulatora (garancija prema uputstvu ponuđača) i obavezuje se da će u garantnom

roku, u slučaju eventualnih nedostataka na isporučenoj robi isporučiti drugu robu koja će odgovarati uslovima iz njegove ponude.

Garancija Dobavljača na isporučenu robu iznosi:

Akumulatori: 24 (dvadesetčetiri) mjeseca u skladu sa garancijom proizvođača.

Dobavljač se obavezuje da će poštovati sve garantne uslove, a u toku garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 12.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 13.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 14.

Eventualno nastale sporove pri realizaciji ovog Ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 15.

Svaka od Ugovornih strana može otkazati ovaj Ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.


Član 16.


Ovaj ugovor je zaključen, kada isti potpišu obje ugovorne strane i traje do realizacije ugovorene vrijednosti, a najduže 1 (jednu) godinu od dana potpisivanja ugovora obje ugovorne strane.

Član 17.

Ovaj Ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
Autoelektra d.o.o Sarajevo


direktorica Dalila Sarajlić



UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Nusret Selimović

Broj : 570

Datum: 27.08.19

Broj : 02-14-4-2655-10/19

Datum: 27.08.2019. godine